

五氣來叙 消傳錄号 灑灑沈炎 膏園塔号
 太乙之來 前可迹号 新宮奕奕 成不日号
 仰模帝居 履金碧号 太乙之下 安且宅号
 天造人因 方兩得号 成能成位 聖賢職号
 斂時景福 重敷錫号 延及海隅 均動植号
 無壽兩宮 后嬪博号 子孫皇王 世萬億号
 禮具樂成 厥平格号 臣將載歌 以申敷号

宋中太乙宮碑銘

龍角山記

唐明皇御製慶唐觀紀聖銘

不七

神也者妙有物而為言化也者應無方而成
 象言豈立神之主義微宰化之知苟言象之
 不存焉則神化或幾乎息矣窮神而極化者
 其唯至聖之人乎我
 遠祖玄元皇帝道家所號太上老君者也建
 宗於常無有立行於不暇昧知雄守雌為天
 下谿知白守辱為天下谷故能長上古而日
 新離眾形而化淳壘萬物而不為戾澤萬代
 而不為仁藹乎不覩其頂深乎不測其極復
 歸無物存教迹以立言登有太清感聖期以
 利見肇我高祖之提劍起晉太宗之仗鉞入
 秦騰搏風雲麟闕日月夏臣醜而已去殷鼎
 輕而未徙老君迺沈然華浩白驥朱鬣見此
 龍角之山示我龍興之兆語絳州大通堡人
 吉善行曰吾而唐帝之祖也告吾子孫長有
 天下於是一開赤伏而萬姓宅心一麾白鬣
 而六合大定傳曰有聲之聲不過百里無聲
 之聲延及四海非夫神唱明德翕叶人祇者

獻善行以武德三年二月初奉神教恐無明
 微未之敢洩至四月老君又見曰石龜出吾
 言實子時太宗為秦王討宋金剛總戎絳絳
 晉州長史賀若弼以其狀上啓遂使親信
 杜昂就山禮謁俯仰之際靈貌察焉昂馳還
 曰信矣迺遣昂善行乘駟表上比至長安適
 會郿州獻瑞石龜有文曰天下安千萬日高
 祖徵其二異殊善行朝散大夫命舍人柳憲
 往祠焉玉帛既陳尊儀復見其始醜也累累
 吳昊若紅峰綠嶺吐春日之光景其却隱也
 蕭蕭條條若雨息雲消視秋天之沉寥來莫
 知其所自去莫辨其所往出於寂寞入於惚
 恍蓋不可得而詳諸汾陽之龍角山者天地
 降福之庭高祖用師之道峰上有華池靈府
 下有石穴洞宮氣接姑射集神仙之別館脉
 通霍鎮潤珠玉之隣家高祖以雲轡頻迴霓
 裾累裝故版廟於行過之所劃壇於受命之
 場刻飾聖容彩繪真衛神光離合殿堂宛轉
 於空間雲氣踟躕笙磬往還於天路因改浮
 山縣名神山焉志靈應也是歲仲秋及五年

三月晉州秦老君言我毫廟之中枯栢更生
子孫當王又云我神兵助軍伐劉黑闥立夏
當平事果如言皆先事之識也爾後太宗貞
觀則喬雲泊於廟宇高宗垂拱則卿雲涌於
神座今又祠中栢樹蒲萄蓂而托根門瑞根
木枯枝翁而還茂疊疊木撲翠繁柯聚祥
煙青靄點點一色散佳氣鬱鬱鱗鱗萬重識
者以為太和暢陳朽之微王會納殊隣之象
懼彼虛應搖然夕惕朕讀靈金根幕命瓊宸
篤學道記常味至言是用假塗禮樂託宿仁
義尋末以窺本澄羸以詣精為無為於此心
事無事於天下而宗稷大福窳縣小康實上
祖惠無疆之休亦下人率自然之化夫唯幽
容昭見偉事也神告帝符環瑞也發祥善行
吉類也慶雲重代鴻懿也戎果附植合異也
稿幹華滋蕃熾也此六者與王之嘉祉曠曆
之絕記者已朕不敏願聞君子之教矣繼其
後者天其祖習其訓者父其師揄揚道德情
存孝敬商頌美乎成湯周雅尊乎后稷先王
之舊典也吾豈墜其文哉夫戴角之類龍為

之長羊也定形而不易龍也神化而無端龍
蓋五土之精國家乘土而王故改山號名龍
角焉乃銘金石以彰靈變詞曰
思文聖祖 玄默靈聲 混兮無名 超兮至清
清入神舍 名捐物假 身尊玄元 後有天下
高祖鳳翔 雲舉晉陽 太宗龍戰 風趨秦甸
龍角仙都 王師戒塗 聖形入有 神言出無
瑤衣玉騎 告帝天符 神方據我 人亦來蘇
乃立清室 微微謚謚 衆仙停蹕 乃興慶雲
氛氤氳氳 再瑞明君 庭有栢兮 遠果奇秀
門有根兮 瘦條更茂 顧懸華德 蒙神之祐
誦我道經 介我神聰 繼明五聖 裡事三靈
請從格言 天德出寧 大道幽陰 湛慈廣接
意路何階 言津難涉 化有影響 神華華葉
開元十七年太歲己巳九月己丑朔三日
辛卯建

敬造金闕天尊像一所奉為太上皇元始天
尊像一所奉為皇帝二真人為侍者奉為金
仙玉真二公主師其像乃靈儀絢發若威曜
於珠星瑞色瑞嚴似迎祥於紫氣巧盡猶龍
之迹妙窮若客之姿所願申此忠誠啓茲真
祐庶此神真降迹名高四大之尊擢契紫辰
賞極三官之寵悠悠巨劫蠢蠢含生長辭有
情之源永虞無為之樂
唐明皇詔下慶唐觀
初天地以大德生群有聖人以大寶守萬物
古者受命之君謂之承天之序明有所代夫
宜徒然若道無欽崇命不永保帝實臨汝人
曷戴君朕所以每至庶兮合於二覆之意也
夫必攝神農黃帝堯舜或誅而不怒或教而
不誅彼亦何為獨臻于此朕自有天下二紀
及茲雖未能畫衣以禁亦未嘗刑人于市而
政猶踳駁俗尚澆漓當是理之者心未返於
本耳凡人豈不仁於父母兄弟不欲於飲食
衣服乎而卒被無孝友之名不溫飽之困其
故何哉蓋未聞義方不識善道或任小智而

譏笑或見小利而苟得致遠則窮繼之以暴已而身受戮辱家不相保愚妄之徒類多自陷獄訟之弊恒由此作吁可悲乎亦在教之不明也蓋刑罰者不獲已而用之天下黔黎皆朕赤子以誠告示其或知歸不必用威然後致理先務仁恕寧不懷之且如五常循行豈須深識六親和睦何待丁寧自宜勉之以副所望刑措不用道在于茲今獻歲云吉迎氣伊始敬順天命無違月令所由長吏可舉舊章諸有媿伏孕育之物蠢動生植之類慎勿殺伐致令天傷九土異宜三農在候聚眾興役妨時害功特宜禁止以助春事至如家有征鎮人或孤惻物向陽和此獨愛悻良可憫也亦令所司隨事憂恤蓋不體仁無以為長不知道無以用心故道者衆妙之門而心者萬事之統得其要會可以兼濟於人夫其指歸不能自全於己故我玄元皇帝著道德五千文明乃真宗致於妙用而有位者未之講習不務清淨欲令所為之政教粹美而至於太古者耶百辟卿士各須詳讀勉存進道

之誠更圖前席之議至如計校小利綜繹煩文邀名且行去道彌遠連天和氣生人怨心朕甚屢之所不取也各勵精一共興玄化俾蒼生登於仁壽天下還於淳朴豈遠乎哉行之可至其老子宜令士庶家藏一本乃勸令習讀使知指要每年首舉人等量減尚書論議一兩條策准數加老子策俾敦崇道本附益化源朕推誠與人有此教誠必驗行事豈垂空言今之此勅亦宜家置一本每須三省以識朕懷

開元二十一年正月一日

唐明皇再詔太上老君觀

不離於精不離於真以天為宗以道為門兆於變化謂之聖人吾祖也
太上玄元皇帝嘗從事於斯矣惟嘗莫厥初則配神明饗天地育萬物惟皇受命則師列聖熙以大一利澤施於四海不言所利德教加乎萬姓不稱其德將晦迹也安乎守藏柱下將行道也適乎流沙窮窟所謂神無方而道無體沖用可見矣流長者慎其源蕃固者

深其根倚歟那歟克開厥後繫我列祖光啓大中豈玄天私乎有唐惟玄元邁乎種德豈玄元式受唐命惟玄元存乎其人是以前聖緝熙重光績茂大化漸被乎八表淳德殷流乎萬國則於天地有興立焉惟小子多千前功夙夜敬止上承祖宗之餘慶下膺侯王之樂推揚然深居隱居若馭朽以為道德者百家之首清淨者萬化之源務本者立極之要無為者太和之門恭承垂裕之業敢忘燕翼之訓故詳延博達講諷精微求所以理國理身思至乎上行下效亦云久矣夫使天下萬姓飲淳德食太和靡然迴心而向道豈予寡薄獨能致此蓋凡百在位所以感熙書曰元首康哉股肱良哉又曰股肱惟人良臣惟聖斯一德而共理也豈至於今政整乎昔長纒紫衣猶聞慕向廣眉高髻且云變俗何至道之難明而玄珠之久喪古人有云王者之於天下猶一堂之上也蓋謂同心同德化流四裔是誠在手擊豕垂踵之感華面向隅之哀故往年布令各家藏道德真經德立而風靡道存

而日用則朕之陳祖業尚家書出門同人無媿於天下矣易曰象也者像此者也經曰窈冥中有精則窈冥之精可以尋象求不可以名言得也故考圖史凡

聖祖降代出處之迹敢立像以盡其意焉將自家而形國由中而及外也庶乎知道者盈量而歸迷方者不遠而復云

開元二十七年太歲己卯正月甲午朔十五日戊申

真珠洞

按圖經云真珠洞者在龍角山東南峰側有洞闊八尺深四十八尺內漸廣深不可測每有珠出於洞因此為號先天二年并大曆中嘗勅使祭醮

玄元皇帝以龍壁投於洞中至晉天祐年有奉使新羅者暨至其國見向之二寶俱沉出水中既還長安因表以進之其洞內往往聞笙簫管磬之音也

慶唐觀金錄齋頌

朝議郎左拾遺內供奉侍從在朝元纂

空洞之中溟溟之際靈文尚矣混成朕焉混成者何象帝之先靈文者何龍漢之年五劫交周尊神述運九炁列正元始自然治於流火之庭鍊於陽明之館二儀得之以定位三景得之以發光赤明開圖碧落普度玄元奄有大道遂荒其宗天法之以無倪皇仰之而未及犧軒應運堯舜乘時均至化而思齋酌玄風而始庶獨立千古湛兮若存首出百王悠兮不極矣粵若祖聖系襲神宗先天不違後天繼代錫胤慶遠派源流長國家慕式欽承前烈三合一德六葉同道平陽郡玄元宮者興王之肇兆也惟初授命載告休徵權輿靈迹俶落祠宇昭彰於國史乃今昇平配永嘉瑞增修清廟大建闕宮明白於御碑因吾道為天下程由茲地為天下式非夫至聖孰能預之哉皇帝御辨無為齋心正一寤寢有感髮鬚真容昭孝孫之精誠貽烈祖之玄訓開元得聖像天寶獲靈符不慶再集而繁昌至教遂興而畢備祇崇冊禮其高莫二衣龍克光於像設宛旒追尊於帝位雖倚那商頌

生人周雅傳之於昔今則過矣於錄茲山會神之寓西對姑射北隣天柱寔通仙之秘府也正殿肅穆廣庭森沉峰巒左右松栝交陰總虛無以靜深也石壇重壘瓊環堯隱訣三五洞章護持三元表辰八月降誕每至是日展法於斯修金錄齋啓玉皇印道家之寶王者之儀塵盛於此矣乃開乾門闢坤戶氣引廣莫風和不周八卦行乎其中矣仰列宿躡魁罡落日淪陰夕時沆瀣六甲佐乎其旁矣仙侶頌次羽人步虛朝拜九天醮祠五老想勾陳則黃雲垂覆存太乙則白鶴來翔其餘侍香玉童傳言玉女縹緲煙景徘徊回元空求之希微宛如契合厥惟鎮皇極叶時邕外以廓清萬里戎夷向化內以義安兆庶年穀滋稔滅格擇興昌光動植生成陰陽氣茂利兵所指則戢于戈靈官所臨則消疢癘疔感通上界神降棋福景命來假天子萬年者乎觀主臣郭友氣虔恭是勤夙夜匪懈稟師之錄佩嶽之符躬執科儀爰謀法要開元十六載御題觀額因錄於茲二十五年上疏議齋

帝命其請於是內使高真自王城而至論言
秘旨從天上而來諸侯肅臨郡邑歲事革故
垣棟鼎新經像形彩絕金光燦燦曾是所
營曾是有成利手永貞太守臣裴眺并寮屬
等惟道孚敬誼形于政奉敷休慶皇合觀徒

衆等皆相與遵乃宗極體乎自然熙淡漠於
元和并恬愉於大順微臣嘗佐汾邑親觀聖
蹤強名道原用述真宰從宵冥而辨物因象
罔而得之其詞曰

三炁之宗 粵玄元始 朱靈丙午 赤明斯紀
太上道君 託胎洪氏 後天合德 其惟我李
爰初啓運 符命歸唐 海縣攸屬 六葉重光
天寶是膺 萬壽無疆 大君推策 考曆元陽
空玄之中 自然妙有 無執之衆 勃勃珠口
迎不見前 隨不見後 外物雖變 我法彌久
龍角嶢峨 肇興靈跡 仙宮乃建 清都斯宅
洞裏天長 竄中地隔 皇矣大道 臨下有赫
金籙秘訣 玉京玄言 陛壇之禮 衆法之門
聖祖貽訓 永告孝孫 於茲授命 永保元元
克昌厥後 大慶帝存 刊此樂石 以奉至尊

天寶二年歲次癸未十月丙寅朔十五日
庚辰下元齋建

紀瑞

皇上御宇之三祀春三月旬有八日晉慈等
州都團練觀察處置使檢校左散騎常侍兼
御史大夫賜紫金魚袋李寰齋沐虔潔祠于
神山慶唐觀
聖祖玄元皇帝禮成謁于高祖太宗高宗中
宗睿宗玄宗六聖之真廟靈感昭發休光動
天然後登龍角昇華池陟林嶺瞻翠微見瑞
拓之奇狀審循焉之延曼龍鳳交貫垂于廟
庭次生新枝有以表聖祚於百萬年矣
上玄之意必將使茂發貞固樹之無疆當大
曆十四年之三月曾生一枝已備圖牒當今
年三月又生一枝故知曆數昌期邈不可算
帝王符契自合玄經兼泰列宗枝謬當廉察
聞斯靈迹心不違安乃首擇吉日禮祈
尊像遂與監軍使朝議郎行內侍省內府局
丞賁外置同正賁上柱國賜緋魚袋吳昇和
左神策軍監鐵冶使朝議郎行內侍省內府

局丞張令等同檢驗所植柏樹高下葛蔓
尺寸仍令工者圖畫其形狀具表上聞乃刻
碑陰用傳不朽

慶唐觀碑銘并序

將仕郎 知神山縣事 韓世讓

道母萬物物猶子生象成太初囊括元氣扶
散氤氳先天地有稟立純粹保合大和故天
得而清地得而寧神得而靈谷得而盈王侯
得而為天下正道苟溷鬱則象無所出必天
不垂日星地不窳山川神奎陰陽人室性情
故無不通無不具吞兩儀而不見其實納毫
末而不覩其隘不可以眸覘不可以智運其
象無體萬物之象其體也其名無稱萬物之
名其稱也不可謂之有謂之有形其器也不
可謂之無謂之無滅其變也有生於無無根
於有有無一貫存於萬物然後見道之妙物
之始故曰有物混成先天地生寂兮寥兮獨
立而不改周行而不殆以是而稽則知人法
地地法天天法道道法自然而為域中之大
者道冠首焉老子仕於姬周子孫延於漢魏

仲尼見而歎其猶龍子長叙而為隱君子事跡。藹然備載經史。洎泰山其頽禮樂之言。地青牛告逝。道德之論。竊自後以波引蔓延。散而不聚。故揚墨塞路。背仁義之說。莊列當途。立寓言之理。殊不知仲尼老子。刊六經之秘旨。閱五千之純奧。與世作程。範圍天地。何則六經之旨正。而詳道德之奧。和而備正。則父子親。君臣定。禮樂昭。刑賞中和。則心以虛神。以清惡。以俊善。以立故。基國樹民。包淳別偽。建皇極。躋壽域。未有遺儒捐道。而後臻其理者也。洎後世益驕。前聖逾遠。不能宏啓其教。但浩揚厥波。故尚玄虛。企羽化散。幟幟冠目。為道士得徒。既繁大壯。觀廟聖泥。致像研丹。寫形與浮屠氏並驅。滔源茂林。盛於中國。其來尚矣。昔隋獲神器。煬不固基。征遼幸淮。以人從欲。茫茫九土。民不聊生。怨入骨髓。天下興叛。唐公拯疲。參墟啓義。聲高唱響。振四海。雖契人心。眾盜猶梗。逐鹿之功。未知誰手。時武德三祀。晉人吉善行於羊角山。見白衣老父。鬚髯皓然。乘白馬。朱鬣儀容甚偉。有二

青衣童子侍之。謂善行曰。為吾語唐國天子。吾為老君。即汝祖也。平賊後。汝當為帝。天下太平。享國長久。太宗遣使者杜昂。致祭須臾。神復見。謂杜昂曰。歸語天子。我不欲食。何煩於祭。忽然不見。上異之。立廟於其地。繇是改浮山羊角之號。以為今名。洎乾封元年。追尊太上玄元皇帝。爾後以土德下衰。木入南斗。朱梁總權。禪唐。寰鼎篡弒。存與其祚。不永。莊皇起。并復唐舊業。故臺宮枯。栢栢再榮。慶唐靈。曼引秀。歷代瑞應。邦史具存。洎石晉劉漢之。後干戈圖王日。不暇用此觀。以地僻山迥。居晉南隅。官不給材。人罔興力。舊宇前址。相漸而覆。先是李唐以神堯。至玄宗圖六帝之容。翼侍三皇。正殿歲月。云邁彩不煥。然雖聚其徒。日莫能尋。往跡未傾。前跡不踵。都監道士。梁志具。奮浮俗。明大觀。捐嗜慾。探希夷。以為正其末者。必端其本。師其人者。必崇其教。代既不能體道。而行人則咸瞻像。而慕此觀。不完。則何以信四方之士。鼓神妙之風邪。景德元年春。乃裹足上園。拜章闕庭。序李唐之聲。

基疏。玄元之符瑞。復古與靈。必當聖代。主上執大象。司左契。道詢崆峒。神適姑射。却走馬。以糞田。烹小鮮。而治國。以萬物利。為利以百姓。心為心。方當大順之朝。式闡無為之化。乃可其奏。宣中書詔。晉郡。俾重葺舊殿。以嚴其祠。工既鳩宇。未畢。二年仲春。月二十有五。晨霧靄雲。蒸嘉氣。四塞空山。寂然若有所降。俄而曙色霽。天象廓。屹乎醮壇。森然古栢。芳枝茂葉。列樹十六瓊。藥珠英露華。可掬其甘。如飴。梓匪三危。灑灑湛湛。陽不能晞。眾目咸覩。神而異之。于是啓其邑。邑告郡。郡命僚屬。覆驗其實。迨初及終。八日不散。郡繪其圖。抗表以進。愚嘗聞道可道。非常道。名可名。非常名。無名天地之始。有名萬物之母。故曰有太易。有太初。有太始。有太素。太易者。未見氣也。太初者。氣之始也。太始者。形之始也。太素者。質之始也。老子本是以興言質。斯而窮道。常無欲以觀其妙。有欲以觀其微。故能通幽洞微。意曠象外。神而化之。不拘其變。昔告唐以太平。今降宋以甘露。非其時。非其聖。孰能通其

應而若是者邪望以二年春由太學登甲科
莖仕之初出宰茲邑承郡命兼詔旨轄匠
民修其三殿曰女元曰三清曰三皇功就而
未遑紀其事大中祥符元載罷縣秩將赴調
於選部志具磨碑置觀乞撰其文固讓不克

直述其由乃為銘曰

道貫強名 先天地生 固然失象 寂爾無聲
不皎不昧 惟微惟精 誰贈玄旨 同之柱史
象帝之先 谷神不死 沖而用之 去彼取此
隋裴虜盛 勃然昭聖 不出幽關 告其受命
卜世延洪 子孫有慶 祠嚴山椒 唐傾祀遙
道德寂寂 松栢蕭蕭 誰其壽之 屬當聖朝
聖朝哲王 體道而昌 俾完壞宇 玄教重光
何以昭應 瑞露灑灑 其徒志真 服膺勤勤
企藉丹臺 抗竟紫宸 一日必葺 無荒後人

時大中祥符元年歲次戊申四月辛卯朔
二日壬辰建

重修三清殿記

天聖觀蓋唐聖祖降真之地形勢壯偉甲於
河東其中三殿岌然先後鱗比其一曰老子

次曰三清次曰三皇而六帝侍焉自唐迄宋
日月浸久風蠹雨壞欄宇墮圯而彩色剝落
不飭不嚴甚矣垣壁頽缺洞然四達蒿萊荒
其庭牛羊牧其側不蠲不虛其矣黃冠星居
殊趨異食而害教為甚其給田也多其輪租
也薄而積弊為甚縣宰公孫公因致祭祠下

嗟其荒涼不治遂慨然命工完飾腐敗革去
弊事而底與惟新棟宇崢嶸楹栊丹碧向之
不飭不嚴者變而輪奐以垣墉剏其蕪穢
向之不蠲不虛者變而肅潔首齋庀以同其
食闢道堂以一其居向之害教者去矣增一
歲之課益數倍之利向之積弊者斯除矣於
是諸道士相謂曰公孫公可謂賢哉新吾之
宮輯吾之徒利吾之衆援吾之教俾過者生
恭入者生恪起四方歸仰之誠心其為功豈

小補耶扶持吾道既衰而復興者實自公始
茲成事也不可無紀述顧謂新邑書之政和
元年六月望日記

重修嘉潤侯殿記

進士 王 史 中 撰

蓋聞近代已來屢改神號進封侯爵首謚之
為華池中更之為顯施末命之為嘉潤三者
同出而異名焉惟神靈氣所宅森巖山巔有
泉浸于深池雲龍藏乎其中峰巒搖動相激
而鳴是為聖木出之兆也每遇旱歲所在祈

禱茲水應誠甘澍靡不霑足故遐邇蒙其霽
澤者豈止一方而已哉伏觀殿基逼窄棟宇
摧毀孰其揭舉爰有南李村李隱上董村陳
思恭共發虔心同為亂首相謂池逼殿增故
遷神座丈餘間前植香亭後築基址鳩工集
材輪奐締構不日而成即擇是歲中元節凌
晨就殿告成畢復詣觀徧請道眾嚴設香齋
及召協力人戶同為慶會僕因是日亦往觀
焉預命作記實叙其事刊諸翠珉傳不朽矣
時天會十一年中元日建

重修華池嘉潤侯殿記

柳 貢 進 士 田 蔚 撰

竊以亘古迄今名山洞府天地神祇聖跡靈
異或靈顯于世或功加于民莫不載在祀典
祭獻以時以答神恩今本縣南距三十里有

龍角山為舊名羊角山因唐改號其山二峰東峰曰華池西峰曰將軍在圖經所載其號古老相傳莫究其詳其神之靈異功加于民莫可名狀至李唐武德初

太上現於龍角山前甘棠間見曲沃人吉善行今報唐天子時善行詣朝具言其事神堯高祖大喜遂立觀于山前號曰慶唐觀是時太宗統軍在絳遣杜昂祭於所現處而太上復現謂昂曰吾不飲不食又何祭焉當時居民謂太上所現真身之地必是洞天福地益敬其神而東峰謂之華池者而峰上有池深妙莫測龍神隱焉其池內有石常時乾淨遇旱則鄉民祈禱于池而其池乾石上自潤而生水世號華池聖水鄉民請水虔奉供養無不應感隨水而雨降故詩人詠之曰救旱泉當時居民虔奉其神供敬其池因建殿于池上號曰華池殿自唐歷五代而之宋祈求無不應感而宋賜號顯施真人又進封號嘉潤侯其為華池聖水一也其殿既久殿貌故弊甚不稱靈神安止後至歲在癸酉間鄉

民李隱獨有意焉于時遂率李華陳思恭同化集鄉眾展其基址增其香亭重行修蓋其功美哉逮至歲在戊辰三月十有四日忽值天火焚燒其殿宇盡為灰燼居民莫不哀念又前修殿維那李隱復率鄭錫陳諫李華及

本觀前都道錄闔子美知觀董茂華郭茂昭陳惟福陳惟素丘惟凝崔自淵崔居實共啟虔誠謂華池靈顯于世功加于民其神像殿貌重復修崇不可後時遂糾集鄉眾化集所用之物命工重行修蓋不日崇成煥然一新實其美事其維那李隱前後率眾興功不為細矣及眾維那之功自畢功之後殊無考記若不刊石紀功則修崇之功無復聞於後世時歲在丁丑仲春僕因假道教學於觀前其元維那命僕為記非敢尚虛詞以襄美特書其實錄以貽後代傳之不朽云爾時丁丑歲仲秋二十日記

祈雨祭文

維大定十一年歲次辛卯四月乙巳朔二十四日戊辰將仕郎行臨汾縣主簿郝瑛謹以

香茶酒果之奠敢昭告于華池嘉潤侯之神竊惟民者邦國之本神明之主也故國非民無以衛社稷神非民無以供祭祀是邦國之與神明其休戚皆繫於民一體而同患者也今自春及夏時雨愆亢二麥已不穡秋種未

入土民皆之食哀鳴嗷嗷將流離於四方而填委於溝壑矣則司牧百姓及享其祭祀者其得而安之乎惟神掌雷雨之權握風雲之柄奮然一起則四方群生皆被其澤使邦國之基有以為固而神明亦永有所依顧不偉歟今奉天府命敬謁祠下挹靈液而奉事之惟神龍屯其膏三日之內甘雨霑足神之惠也民之望也守令者之幸也伏惟尚饗

賀雨還水祭文

郝瑛謹以香果之奠敢昭告于華池真君嘉潤侯之神頃以時雨愆亢敬構祠下蒙賜靈液曾未信宿甘澍獲應四境霑足百穀以生邦國以寧神之所惠亦以豐矣謹復致靈液於祠下以謝景貺惟神其鑒之尚饗

祈雨祭文

郭陽秀等謹以香果之真敢昭告于嘉潤侯
竊以至道無方精誠有感凡禱祈以通幽諒
神明而應兆茲者時值元陽久憇甘澍寔下
民積慶以彌深仰

上聖垂慈而密佑伏願油雲湧布迄虛空渺
邈之鄉霈澤普施徧日月照臨之所塵埃頓
息苗稼重甦變凶荒而作豐登消疢癘而為
吉慶在在處處一切含靈俱沐
天恩咸蒙道蔭

賀雨醮謝文

伏以神龍薦杜克符元首之禎風雨應期足
表精誠之感否泰交通雲雷混合雷稿稼以
重甦灑輕埃而泯絕群心悅懌百穀滋榮觀
豐兆則信可徵推薦苗則知不作倉箱有望
長幼無虞輒憑玉笈之靈科用答

高真之景貺共荷鴻休均蒙大賚

祈雨文

天且何言示咎徵而見謹人能知懼託誠意
而可穰敢罄愚衷仰干神聽伏念臣等子身
致養以食為先儻有害于三時將阻饑於數

口爰從比歲併值旱災百穀無成屢失豐登
之望四民何賴共形捐瘠之憂豈非積惡之
招以致恒暘之罰尚祈悔過是用新心乃延
琳宇之流試講金科之典冀雲軒之來格宥
窮狗之無知甘雨祥風茂育大田之稼歡聲
和氣載歌高廩之年

祈雪文

王良粉謹以清酌庶羞之奠致祭于
將軍華池之神惟神祐此一方千百年矣民
知有賴于神故望於神者重則神之於民也
忽棄之手切以自秋八月至于今一百五十
餘日旱乾塵野雨雪杳然民之病者甚眾麥
之槁者寔多來歲夏望民懷愁額抑亦良粉
為政之不善歟抑亦有冤獄未雪歟然政之
不善吏之不職民何辜焉伏願神惟民愛而
速降瑞雪使民有來赴之望則科差易了而
無逋逃之患盜賊弭寧而各安其業矣神其
鑒之尚饗

龍角山記

天壇王屋山聖跡叙 中嚴堂朝陽
岳母廟碑記附 不八

唐廣成先生社 元真誤

國家保安宗社金錄籍文設羅天之醮投金
龍玉簡於天下名山洞府謹按道藏龜山白
玉上經具列所在去處十大洞天內一王屋
山清虛小有之洞周迴萬里在洛京西北王
屋縣仙人王真人治之傳曰黃帝於元年正
月甲子列席於王屋山清齋三日登山至頂
於瓊林臺禱

上帝破蚩尤逆勅王母降於天壇母既降黃
帝親供侍焉王母迺召東海青童君居九天
玄女授與破蚩尤之策黃帝依命殺蚩尤於
冀天下乃無不克海內安然王母遣西方白
虎之神賜黃帝玄羽之衣迺命帝會於孤竹
之野帝欽命齋戒嚴駕而行既至孤竹見空
中千乘萬騎或有鬚青衣童子數百人或
五彩羽服或乘飛龍或乘飛虎或乘鸞鶴或
執珠幢錦傘霓旌絳節或持如意九曲几及
前後歌舞妓樂不可名狀俄見寶車一乘駕
五色班龍九頭上有羽蓋九重中有女仙一